

# INFORMACIJA

## O STANJU NA PODRUČJU KANTONA SARAJEVO 27. MAJA U 9 SATI

Prema podacima dobivenim od općinskih operativnih centara civilne zaštite, stanje na području svih općina se polako normalizuje, ekipe općinskih službi civilne zaštite su stalno na terenu, prate situaciju, posebno oko klizišta i preduzimaju neophodne mjere na otklanjanju posljedica od poplava i klizišta.

Štab civilne zaštite Kantona Sarajevo u koordinaciji sa općinskim štabovima civilne zaštite i ekipama Zavoda za javno zdravstvo Kantona Sarajevo u cilju sprječavanja i suzbijanja zaraznih bolesti i očuvanja i unaprijeđenja zdravlja stanovništva, nastavio sa aktivnostima na preduzimanju neophodnih sanitarno-higijenskih mjera nad područjima koja su bila ugrožena od poplava i klizišta u Kantonu Sarajevo.

Na osnovu aktivnosti koje provode Vlada Kantona Sarajevo i Štab civilne zaštite Kantona Sarajevo na pružanju pomoći u sanaciji poplavljenih područja u BiH, u toku 26. maja 2014. godine na raščišćavanju poplavljenih područja u općini Maglaj bila je angažovana slijedeća mehanizacija od KJKP: 2 cisterne i 2 velika kiper kamiona za odvoz kabastog smeća od KJKP „Rad“, 2 specijalno vozilo VOMA i 1 kiper kamion od KJKP „Vodovod i kanalizacija“ i 1 grejfer i 1 kiper kamion od KJKP „Park“, 1 grejfer i 1 kiper kamion od KJKP „Pokop“, 1 mini autobus za prevoz 25 radnika od KJKP „Gras“, kao i ljudstvo koje opslužuje navedenu mehanizaciju. Koordinator ovih aktivnosti na terenu je bio predstavnik Štaba civilne zaštite Kantona Sarajevo Senad Helać.

U toku prethodnog dana Kantonalni operativni centar civilne zaštite je primio četiri informacije o pronalasku neeksplozivnih ubojnih sredstva i to:

- U 08:20 sati od OC CZ Vogošća, u ul Ljubina br.4. 1 NUS,
- U 10:30 sati od OC CZ Vogošća, ul. Ljubina br.64. 1NUS,
- U 14:05 sati od OC CZ Hadžići, u naselju Vrančići 1 NUS,
- U 15:50 sati od OC CZ Novo Sarajevo, ul. Zahida Panjete br.54. 1 NUS (ručna bomba).

Informacije o pronalasku NUS-a su prosljeđene Timu za UES Federalne uprave civilne zaštite, čiji pripadnici su preuzeli navedena sredstva u toku jučerašnjeg dana, osim NUS-a iz ul. Zahida Panjete br.54. koji će biti preuzet 27. maja 2014. godine.